

## **Kukkunersiuisut naalagaaffimmit akuerisaasut soraarummeertarnerat pillugu Kalaallit Nunaannut nalunaarut**

Kukkunersiuisut naalagaaffimmit akuerisaasut aamma nalunaarsorneqarsimasut pillugit inatsimmi, Kalaallit Nunaannut Kunngip peqqussutaatigut nr. 623, 23. juni 2008-meersukkut atuutilersinneqartoq, § 9, imm. 5 naapertorlugu aalajangerneqarpoq:

### Kapitali 1

#### *Aalajangersakkat nalinginnaasut*

**§ 1.** Kukkunersiuisumut naalagaaffimmit akuerisaasumut soraarummeerneq (revisoreksamen) eksamenskommissionimi ingerlanneqassaaq, Revisorkommissionimit pilersinneqarsimasumi. Kukkunersiuisumut soraarummeerneq allattariarsornermik oqaluttariarsornermillu misilitsinnertaqarpoq.

**§ 2.** Allattariarsornermi misilitsinnermut innersuunneqassagaanni piumasaaqataavoq:

- 1) revisorkandidateksamenimi (cand. merc. A
- 2) ud.) angusisimanissaq,
- 3) revisorkandidateksamenimut angusinermiit, qaammatisiutini ukiup qaangiunneraniit sivisunerpaamik ukiut 8-t kingorna, aamma
- 4) 18-iliinnermit sivikinnerpaamik ukiut 3-t kingorna ilaasimanissaq suliakkiissummik suliaqarnermiit, kukkunersiuiinnermut tunngasunik ukiumut nalunaarusiamik imaluunniit assigisaanik naatsorsuuserinnermi nalunaarsuisarnermik kukkunersiuiinnermik ingerlatsivimmi naalagaaffimmit akuerisaasumi, taamaalilluni minnerpaamik ukiut 2-t ingerlareersimassallutik revisorkandidatimut ilinniarnermi angusinerup kingorna.

*Imm. 2.* Revisorkommissionip akuersissutigisinnaavaa, kukkunersiuisumut soraarummeernerup allattariarsornertaata pisinnaanissaa ukiut 8-nit sivisunerusup kingorna piffissami, imm. 1, nr. 2-mi aalajangerneqarsimasumit. Piumasaaqataavorli, tullitullugit misilitsinnernut innersuunneqarnerit ukiuni tulleriinni maliinnartuni pinissaat.

*Imm. 3.* Erhvervs- og Selskabsstyrelsi imm. 1, nr 3-mi aalajangersakkami avaqqutsisinnaavoq.

**§ 3.** Kukkunersiuisumut soraarummeernermi oqaluttariarsornermi misilitsinnermut ilaasinnaassaagaanni piumasaaqataavoq, allattariarsorluni misilitsinnermi angusisimanissaq. Oqaluttariarsorluni misilitsinnermut innersuunneqarnissaq pissaaq kingusinnerpaamik ukiut 3-t kingorna, allattariarsorluni misilitsinnermi angusinermiit. Revisorkommissioni tassunga saneqqutsisinnaavoq.

*Imm. 2.* Kinaluunniit, allattariarsorluni imaluunniit oqaluttariarsorluni misilitsinnermut 3-riarluni aallartitsisimagaluartoq, misilitsinnermut tassunga innersuunneqaqqissinnaangilaq. Pissutsini immikkut ittuni Revisorkommissioni tassannga avaqqutsisinnaavoq.

**§ 4.** Kukkunersiuisumut soraarummeernermut ilaavoq allattariarsorluni misilitsinneq, Revisorkommissionip aalajangiinera malillugu allattariarsorluni suliaassanik ataatsimik imaluunniit arlalinnik imaqartoq, ullut soraarummeerfiusut maliinnartut 2-t ingerlaneranni

akissuteqarfigineqartussanik. Soraarummeernermut aamma oqaluttariarsorluni misilitsinneq ilaavoq. Allattariarsorluni aamma oqaluttariarsorluni misilitsinnerit uppersassavaat soraarummeertut naleqquttumik piginnaassuseqarfii susassaqaarfinni, kukkurersiuisut naalagaaffimmit akuerisaasut susassaqaarfiini attuumassuteqartunut tassunga ilaalluni suliaassanik akuerinninneq, suliaassap piareersarnera aamma suliarinera, uppersaanerit aamma nalunaarusiat, naatsorsueriaatsinik naliliinerit aamma aarlerinartunik aqutsinerit, suliffeqarfissuit naatsorsuutaat, naatsorsuutinik misissueqqissaarnerit, ingerlatsiviit ajutoornernik eqqugaasut, kinguaariit nikinneri, naatsorsuutinut aamma akileraarutinut apeqqutinut tunngasuni ikiuinerit aamma siunnersuinerit, aningaasalersuineri pissutsit, nalilinnik inissiinerit, ingerlatsivinnik pisinerit tunisinerillu, imminut akilersinnaanermik misissueqqissaarnerit kiisalu pisariillisaanernik aamma aqutsinerik aqqissuusinnerit atatillugu misissuinerit.

*Imm. 2.* Revisorkommissionip allattariarsorluni aamma oqaluttariarsorluni misilitsinnermut tunngasut ingerlanneqaarnerannut malittarisassanik ersarinnerusunik aalajangersaassaaq.

**§ 5.** Allattariarsorluni aamma oqaluttariarsorluni misilitsinnerit immikkut naliliivigineqassapput. Naliliinnermi karakteri “angusivoq” imaluunniit “angusinngilaq” atorneqassaaq.

*Imm. 2.* Soraarummeernermi angusissagaani piumasaqaataavoq, allattariarsorluni aamma oqaluttariarsorluni misilitsinnermi karakteri anguneqarsimassasooq “angusivoq”.

**§ 6.** Ukiumut ataasiarluni soraarummeersitsisoqartarpoq.

*Imm. 2.* Soraarummeernermut innersuunneqarnissaaq pillugu qinnuteqaat Revisorkommissionimut tunniunneqassaaq, Erhvervs- og Selskabsstyrelsen aalajangersimasaatut iluseqartillugu. Allatut aalajangiisoqartinnagu, allattariarsorluni aamma oqaluttariarsorluni misilitsinnerit innersuunneqarnissaaq pillugu qinnuteqaat Revisorkommissionimit tiguneqareersimassaaq kingusinnerpaamik ulloq 1. juni ukiumi pineqartumi. Oqaluttariarsorluni misilitsinnerinnarmut innersuunneqarnissaaq pillugu qinnuteqaat Revisorkommissionimit tiguneqareersimassaaq kingusinnerpaamik ulloq 1. oktober ukiumi pineqartumi.

*Imm. 3.* Allattariarsorluni misilitsinnissamat ilaasussaaqjunnaanermik nalunaaruteqarneq Revisorkommissionimit tiguneqareersimassaaq kingusinnerpaamik ulloq 1. august ukiumi pineqartumi. Kingusinnerusukkat ilaasussaaqjunnaanermik nalunaaruteqarneq, pissutsinik immikkut ittunik soorlu nammineq napparsimanermik imaluunniit ilaqquttamik qaniginnerpaasamik toqusoqarneranik peqquteqarneranik uppersaataitaqanngitsut, allattariarsorluni misilitsinnermi misiliinertut naatsorsuunneqassapput.

*Imm. 4.* Immikkut akuerineqarnissamik qinnuteqaat § 2, imm. 1, nr. 2-miittoq, kiisalu § 3, imm. 2-miittoq Revisorkommissionimit tiguneqareersimassaaq kingusinnerpaamik ulloq 1. maj ukiumi pineqartumi.

**§ 7.** Revisorkommissionip innersuussuteqarnera malillugu Erhvervs- og Selskabsstyrelsen soraarummeersitsisussanik toqqaassaaq allattariarsorluni aamma oqaluttariarsorluni misilitsinnerit. Kukkersiuisumut misilitsinnermut soraarummeersitsisut kukkersiuisuussapput naalagaaffimmit akuerisaasut.

*Imm. 2.* Allattariarsorluni misilitsinnerit soraarummeersitsisumit kiisalu ikinnerpaamik censorinit 2-nit naliliivigineqassapput. Oqaluttariarsorluni misilitsinnerit soraarummeersitsisumit kiisalu ikinnerpaamik censorinit 3-nit naliliivigineqassapput. Kukkersiuisumut soraarummeernermi minnerpaamik censori ataaseq kukkersiuisuussaaq naalagaaffimmit akuerisaasooq aamma minnerpaamik censori ataaseq, kukkersiuisuussanngilaq.

*Imm. 3.* Allattariarsorluni aamma oqaluttariarsorluni misilitsinnerit nalil

iivigineqarneranni Revisorkommissionimut ilaasortat censoritut ilaassapput. Revisorkommissionimili ilaasortat, kukkunersiuuisuusut nalunaarsorneqarsimasut, naliliinermi ilaasinnaangillat. Revisorkommissionip innersuussuteqarnera malillugu Erhvervs- og Selskabsstyrelsi aamma censorit ilassaannik toqqaasinnaavoq allattariarsorluni aamma oqaluttariarsorluni misilitsinnerit naliliivigineqarnissaannut.

§ 8. Soraarummeernermut angusiviusumut soraarummeernermut uppernarsaasiortoqassaaq.

## Kapitali 2

### *Naammagittaalliorsinnaaneq*

§ 9. Allattariarsorluni imaluunniit oqaluttariarsorluni misilitsinnerit pillugit naammagittaalliuutit soraarummeertumit tunniunneqassapput Revisorkommissionip siulittaasuanut. Naammagittaalliuut, allakkatigoortoq peqqutaalu allanneqarsimasooq, tiguneqareersimassaaq sapaatit akunneri 5-mit kingorna, misilitsinnermi pineqartumi angusap nalunaarutigineqarneraniit.

*Imm. 2.* Soraarummeersitsisoq censorillu nalileeqqinnerup kingorna naliliinerup siulliup allangortinneqarnissaa imaluunniit aalajangiusimaneqarnissaa aalajangersinnaavaat. Aammattaaq eksamenskommissionip siulittaasua isumasioqatigereerlugu soraarummeersitsinerup atorunnaarsinneqarnissaa soraarummeersitsinerullu nutaamik ingerlanneqarnissaa akuersissutigisinnaavaat, tamatumunnga soraarummeertoq isumaqataappat.

*Imm. 3.* Naammagittaalliuutip suliarinera naammassineqarsimassaaq inerneralu nalunaarutigineqarsimassalluni naammagittaallioortumut Revisorkommissionip siulittaasua aqqutigalugu, naammagittaalliuutip tiguneqarneraniit kingusinnerpaamik qaammatip ataatsip kingorna.

## Kapitali 3

### *Atuutilerneranut aamma ikaarsaariarnermut aalajangersakkat*

§ 10. Nalunaarut atuutilerpoq ulloq 1. august 2008.

*Erhvervs- og Selskabsstyrelsen, ulloq 28. juli 2008*

OLE BLÖNDAL

/Grethe Krogh Jensen